

漫
堂
年
譜

漫堂年譜

宋肇自編

宋氏微子之苗裔世居於宋今河南歸德府商
丘縣也元以前譜牒散佚西郭外僅存三塚明
初有諱貴者葬三塚西是爲始祖二子曰瑾曰
讓瑾次子曰霓爲明冢宰莊敏公諱纁之父三
子曰雷即肇高祖後橋公也曾祖樂菴公諱暘
有隱德年九十四祖復字公諱沾萬曆辛卯舉
人仕山東福山令以循良卒官配張夫人庶丁
夫人丁生先考文康公諱權天啟乙丑進士仕

以上係序除雜
頭外低一字寫
以下係譜頂格
寫過四空一
格小另格起

皇朝為太子太保內翰林國史院大學士配劉夫
人庶李孺人趙夫人郝孺人子四長煇李出歿
於亂次即肇次所俱趙夫人出煇郝出

明崇禎七年甲戌

先文康官吏科給事中肇以正月二十六日酉
時生於京邸命名

八年乙亥

余二歲五月先文康外補山西副使肇隨任

九年丙子

七年丁丑

余四歲。口五月。先文康請終養。携家歸里。

十一年戊寅

十二年己卯

十三年庚辰

十四年辛巳

余八歲入塾。先文康字肇曰牧仲。六月。叔祖

母劉氏卒。劉為先文康仲父諱渥配也。同丁王

母孀居三十年。文康公以肇為嗣孫。後一年。兄

焯亡。肇仍歸宗。

十五年壬午

余九歲

五月

流寇李自成破商山余僅免隨

先文康渡河寓山東城武縣詳余所記壬午脫

難始末

附記明末李寇披猖中州大河以南無樂土歲

壬午三月二十五日賊逼歸德先文康公同守

令及諸鄉老登陴死守三日力不支城陷賊大

肆屠戮公自擬必死家且破額獨不得一見丁

太夫人為恨忽晉人為賊者喘遽過索公既見

曰公非宋公耶吾活公即引至營掘小窖匿公

戒卒守護而引余僕丘山賈進孝入城過求太

夫人。劉夫人。及家口俱至。得保全無恙。余時年九歲。隨乳母倉皇走匿民舍。三日。忽一賊挾而去。置之府治前。召少待。吾即引汝。余望劍戟森森。思逃入委巷中。遇一婦。曰。汝非宋公子耶。遂引見一賊。方飯。聞之驚喜。以飯。余曰。無恐。因携歸營。謂其黨曰。吾弟也。善視之。是時余與公及太夫人存亡不相通者。且十日。至四月初七日。賊語余曰。今日起營矣。吾故晉人。受汝父宋公恩。不及救公。今救汝。遂匿余蘆席中。去。須臾。鐵騎數十萬。達席邊。席蹴踏碎幾半。或以鎗

刺之。岷震有聲。幸不及余。使以身免。薄暮。隨一僧入城。見家人俱在。家人亦驚余在。乃皆大喜。時餘賊在城者尚衆。土賊亦乘機入焚掠。前護公者呼曰。不得犯宋公家。以令箭插門。一時男婦。逃余家得脫者。數千人。牆上皆滿。踏死者三。公度殘城不可居。遂擁家出城。將北渡河。隨行者近萬人。公有詩紀之曰。難民隨我行。百家如一族。蓋實錄也。俄二賊騎自後突馳至。同行皆駭視之。則前護公者曰。吾慮游騎驚公。故復來耳。公宜速渡河。因以椅與太夫人。下所乘馬。

戴公與余以二牛載劉夫人及二婢。學生母洎庶母。初控之以行。遇一賊。醉甚。步行持令箭一。長鎗一。沿途刺人爲戲。戴公者前呵曰。汝何人。無禮若此。遽引刀殺之。敕令箭什公曰。持此以往。可無恐。因解辭去。問其姓名。不荅。行數里。望見餘賊屯如蟻。詰曰。吾營令箭。汝輩何得持至。家人前給之曰。營將與吾箭。正欲令持示公等。賊竟不疑。踉蹌走。及中。半日出營。抵河上。日暮。餓甚。沿河採薪。煮食之。時官軍在河北。河無渡舟。先君索片約書數字。覓善泅者。夾兩壺。亂流

此行空一字即
接上行寫不可
另起

而濟求救於官軍。明晨官軍駕小舟來迎。既濟。因之城武居焉。華曰。方正德時。割千斤石和尚為寇。有趙鯁者。過釣州。慕馬端肅公之為人。護其居。而先莊敏當拓寇巢。亦相戒不敢犯公廬。今余舉家類沛。萬死中。卒得全如此。非先君兩蒞晉。德澤入人深。安能至是哉。兩賊以報恩。稱而不通姓名。又何快。此

九月。華隨先文康遷寓江南鎮江府。

十六年癸未

餘十歲。三月。先文康起補大名道副使。途次

注双行寫

調順廣道 甲二月先文康調遵化道率俱隨
任

皇清順治元年甲申 三月以前崇禎十七年

余十一歲 三月先文康擢都察院右僉都御
史巡撫順天涖任三月流寇李自成陷京師遣
將黃錠等畧地至遵化先文康祭告崇禎帝勒
兵誅之會 王師入關嘉公仗義復仇 詔巡
撫如故公辭不許率隨任詳率所記遵化平偽
始末

附記 先文康撫遵化三月進賊李自成陷京師

先君舍皇調度。以一族之師。僅而得濟。余時年
十一。頗能記憶事。一二僕在行間者。往道訖
其詳云。甲申三月。自成既犯關。分設偽將軍方
面州縣官。遍布畿東。親提賊百萬。往拒山海。而
遣騎分速諸舊官。甚急。公聞變時。會出巡畿外。
百口猶在遵化。速者將至。公欲歸。見丁太夫人。
家人王楷曰。事急矣。同死孤城。無益。乃率楷與
楊俊等數人。間道騎一驢。一夜行二百里。走白
羊峪。會宣府舊鎮唐公珏。自京師出亡。與公遇。
遂同至白羊。謀起義。計無出。公倦極卧地。忽守

脩張九重賁賁至。呼曰。公尚卧耶。太平路偽將
黃銳。以五十騎逮公。至已。公索何尚卧耶。公遽
起。顧五十人者。皆舊卒。不忍言公。嘿計。是五
十人者。可用也。乃呼至前。海撫慰之。且告以起
義故。衆皆諾。獨一人語稍異。公叱曰。鼠子敢爾。
趣命斬之。唐公珏躍起。拔佩刀。斬異言者首。侮
衆曰。急取太平。以應吉兆。不半日。至太平路。入
郵舍。偽帥黃銳。方內一民間女。飾衣服鼓吹。請
合卺禮。忽傳公至。銳倉卒出。忘所佩刀。僅帶一
小刀。至則公端坐堂上。待銳。出不意。惶愕向

上揮公命左右縛銳。故悍甚。取小刀。左右刺。盡卸其衣。裸而走。家人王楷追之不及。適吏陸魁春帶刀從外入。楷急呼曰。殺賊殺賊。魁春。人。文弱。又不利。雙手持刀向銳。急解出。春入。兩相值。正搥其胸。銳仆。衆因殺銳。衆箭從外射入。如雨。公命持銳首示之。曰。偽將已誅。汝等皆吾民。亡動。衆遂定。是時。偽將馬應湖。畢三才。踞喜峯松棚。劉東擁賊數千。踞三屯。公曰。太平已定。汝等誰可分往殺賊者。守備米富手同姜承印。慨然請往。公曰。須兵幾何。王曰。不須。

兵。吾二人足矣。公壯之。各飲以斗酒。上馬。携一
大囊。馳至喜峯。語門者曰。來公有密語。遣白將
軍。賊見入。少不疑。命之進。賊坐堂上。富玉前。潛
作拜跪狀。承印西向侍。賊欣然下扶玉。玉奮力
抱賊。承印以刀砍之。誤中玉左臂。幾斷。玉終不
釋。承印遂殺賊。二人大呼曰。官兵數千且至。僞
將已斬。衆咸驚伏。二人以其首投囊中。歸報。公
大喜。頗視玉衣袖重。類有物。解之。血淋淋下也。
玉既報命。連暈針。急以藥救之。懸須臾。松欄諸
處。各設偏將以應。蓋先後僅二日。卒時自成兵。

敗於閬門。奔還京。三屯賊劉泉猶不知也。公度
彼兵衆未可力勝。密諭舊鎮孔希貴子國治潛
入爲內應。而公率數騎至東營。屏衆耳語曰。公
知自成已敗乎。曰。不知。公曰。今自成敗。三屯義
旅並起。公宜早爲計。遲恐不利。衆心動。遽上馬
擁衆去。三屯一帶俱下。公反遵化。有衆三千。而
遵化偽道潘躍龍。偽同知張耀然。偽知縣李廷
瓊。素憚公威名。雖踞城不敢害公家。公至城下。
密約舊將張德裕等。以計悉誅之。得偽印七。偽
官十餘人。自成既敗歸京師。聞公誅諸偽將。起

甚。將屠遵化。公召諸將計曰。今初起義。賴天地之靈。三編稍定。而賊勢剽悍。度不能禦。不若乞援關上。異并力。賊渠可殲也。衆曰。首誅賊者。公也。敢不惟命。因共歃血。北面拜故主。還拜太夫人。約合力禦賊。而太夫人素知唐公珏驍勇。可藉以集事。至是泣語珏曰。吾知公百口在京師。無舉大事者。不顧家。公勉之。萬一不測。吾孫即若子也。唐公感激泣下。遂單騎往關門乞援。公慮賊至。震驚太夫人。令家人奉之夾山。身自宿城上禦賊。果遣鐵騎數千。馳至。公密令將士。

林前爲不可
寫起

易甲冑旂幟。逃出賊後。聲言非知。數十萬已至。
賊惶惑不敢前。公乘勢出。教百騎。賊大奔。
潰。遵化獲全。而唐公至。問遇。王師具言公仗。
義復仇狀。大嘆美之。又教曰。王師入都。自成。
奔開陝。公迎太夫人入遵化。曰。故主之仇已報。
吾事畢矣。既請歸田。不許。詔撫遵化如故。

六月通州鳳河營一帶土賊祁得珍等作亂。先。
文康討平之。犖侍行。回經石門。遊湯泉。余故生。
亂離中。幼失學。又往來邊塞。戎馬之場。好騎惡。
馬。習射獵。常飛騎。誤墜井中。遇田夫救之出。

文叔行寫注
在備及之下

一日追黑白兔出塞外百里不移時還後吳江
計甫草東贈余文脩及之

附文畧

宋子十歲精騎射其騎則能御疾馳之

馬上下峻阪一日行四五百里其射則能揮矢
於地縱馬射之兩矢相合不盡黍失我聞王陽
明先生九歲時從其父海日公於都門間脫身
走居庸紫荆倒馬諸險要縱觀邊塞於是才志
雄拔意氣道上及長遂能兼理學事功文章之
盛宋子幼時亦從文康公視師瀛陽歷覽閱塞
嘗飛騎追黑白兔馳逐官驛張之不能馳而

及也。

少年乙酉

少年丙戌

余十三歲先文康以大學士范公·文程等薦陞
內翰林國史院大學士·率隨任學聲律學書

四年丁亥

余十四歲·三月

上諭諭吏兵二部國家當開創之初文武大臣俱
爲國宣力在京三品以上在外總督巡撫提督
總兵各送親子一人入朝侍衛察試才能授以

任使牽導。口諭入朝。爲三等侍衛。乘馬佩刀。每日寅刻。由東華門入。隨勲舊大臣。環坐左翼門下。辰刻。隨諸大臣至。口乾清宮侍。

世皇太后

世祖章皇帝饒赤蒙。口賜食。食罷歸寓。午刻復入。申刻於口保和殿侍。

世祖章皇帝饒赤蒙。口賜食。日入而歸。率以爲常。凡口郊廟朝會。皆得廁屬車豹尾間。大宴則環坐口太和殿內東偏。口御座之旁。一日口賜宴。口牽取珍果一二。置懷中。蒙口天語垂問。牽跪奏。

臣祖母丁氏年七十。臣將携以奉養。君賜臣冒昧罪當死。上笑曰。此後聽汝携歸。率因脩油素。為包裹具。每宴罷。懷袖間。累皆上珍。丁太夫人顧而喜曰。孺子荷天寵。乃爾。爾父子當思所以報。口九月。大羽獵。自午門前乘馬。佩弓矢。扈蹕行。歷文安。霸州。西山。凡二旬而返。母日五鼓。至木城外。下馬。解弓矢。佩刀。由東門。經慢城。入環坐。御帳外。東偏。昧爽。止於帳前。涼棚下。陞座。茶罷。起。駕急趨上馬。萬騎騰驟。飛塵障天。咫尺不辨人馬。頃之。乃按轡徐行。遙

望圍場已數十里矣。圍分三重。上與諸王大臣居中。二重衆官。三重甲兵。各按旗色。步伍肅然。毋敢闌入內圍者。獨侍衛出入不禁。犖時附鑲黃旗下。辰巳之交。駐蹕進饒。衆皆下馬。出所携乾餼。酌野水而食。須臾上馬。馳驟如前。日落。駐蹕得獐麋雉兔。無算。或頒賜。或付行厨。凡行宮供具。皆於辰刻預設之。漏下二鼓。由東門出。於圍之二重東偏。尋帳房就寢。還經桑乾河。天寒水縮。尚數丈餘。竿楊鞭大呼。躍馬而過。上顧之色喜。遂次。賜鷗羽箭五。十月

迎娶同邑葉氏。少余一歲。明兵部左侍郎韓廷桂女。

五年戊子

余十五歲

上命內大臣率侍衛諸臣赴內院同大學士考察試書一紙。分別文武。文以通判州判武以都司守備用。肇拔第一。應授通判。先文康啟奏肇弱齡不諳政事乞停餘督令讀書候御試。詔可。

十二月王母丁太夫人卒。

六年己丑

余十六歲隨先文康歸里葬丁太夫人

也年庚寅

八年辛卯

余十八歲三月先文康致仕五月長男基

生葉夫人出尺月先文康延故人賈靜子先

生開宗門人侯朝宗方域與萃講習詩文里中

舊有雪園社又名應社以應江南復社故名鼎

革後風流雲散獨二公在復邀徐恭士作肅來

玉世琛徐通皇鄰唐及余為雪園六子社朝宗

為之序余自罷侍衛以來得清羸疾至是益甚

序双行寫注
在略盡矣下

遂藥餌終身。曩時羽林期門豪氣剗除畧盡矣。

附社序畧 社者古道也。舉必以文事焉。古者連

士於鄉。教化大行。才賢輩出。則聽其敬業而樂
羣。相見則執雄為贊。傳曰。執雄者。象文明也。文
之不可以已也。如是夫。吾向者靈園之君子。有
若吳子伯裔。伯庸。徐子作霖。劉子伯愚。嘗與吾
二三子為之。其從而為之羽翼者。莫不以文采
自著。而以躬行相砥。甚盛事也。亡何靈園有寇
難。四子者死。余與賈子開宗。散而之四加。徐子
作霖。與其姪世琛。採橡栗。彈鋏田野。雪園之社。

塵無人焉。嗚呼。雪園非遂無人也。而其文章散
佚。流風歇絕。卒無有為之收拾而振起之者。雖
謂之無人。可也。乙酉。余自吳反。賈子自淮陰歸。
而徐子相見。款款言及雪園舊事。流連者久之。
已而曰。吾四子可以社矣。是因吾雪園之幸而
存者也。余曰。姑待之。於是三年焉。而徐子鄰唐
此。徐子宿儒也。又五年焉。而宋子萃學成於燕。
而至。宋子年少有異材。是吾昔者雪園四子之
所未及見者也。於是相與左之右之。朝夕而切
磨之。又二年焉。而六子之社以成。侯子曰。吾昔

者雪國四子不可追矣。求之三年而得一徐子。
為求之五年而得一宋子焉。又二年而合徐子。
宋子與吾四子者而乃為太子焉。然則社之以
六子名也。夫豈存乎見少哉。

九年壬辰

創十九歲。六月先文康薨。河南巡撫以計聞。
賜祭九壇遣官造葬。贈少保兼太子太保。廕一子。
中書舍人。聲已授侍衛。例應男基承廕。謀與弟
灼。

十年癸巳

余二十歲。口二月。為先文康畢葬禮。

也一年甲午

余二十一歲。口九月。葺東郊古竹園。凡名流過中州。如計孝廉東陳檢討維崧皆下榻園中。蘇門孫徵君鍾元先生書來勸學。余因附弟子行。

口刻古竹園詩集

也二年乙未

余二十二歲。口五月。為江南之遊。道滁州。訪醉翁亭。瑯琊寺。月杪抵金陵。口六月。與張爾公自烈杜于皇濬康小范范生吳漢若濯時陳伯璣

允衡董文友以寧會於秦淮賦詩紀事過高座
寺訪無可大師即方公遊牛首獻花巖燕

子磯諸勝購秘書名蹟甚富至蕪湖與蕭尺木
雲從唐祖命允甲諸公會於識舟亭還經采石
欲登天門以風駛揚帆而過七月返里

卅三年丙申

卅二十三歲刻嘉禾堂詩集七月男至生榮

夫人出

卅四年丁酉

卅二十四歲六月如京八月應順天鄉試

不第前輩孫侍郎承澤正文貞公崇簡通門熊
學士伯龍宋宗丞徵與諸公皆時相過從為文
酒之會此後每至輦下勝友雲集投贈詩文往
往成帙口是月男陸生葉夫人出口十月返里
廿五年戊戌

余二十五歲與弟忻忻讀書西園園為余家三
世讀書處

廿六年己亥

余二十六歲口五月

上允河南巡撫請舉易名之典賜先臣謚文

康熙六年六月劉夫人卒

十七年庚子

餘二十七歲二月男著生葉夫人出

十八年辛丑

餘二十八歲十二月奉先妣劉夫人匱祔葬

於文康公

康熙元年壬寅

十年癸卯

餘三十歲六月携弟忻忻如京應試寓柳湖寺余以病不與試刻柳湖詩草

三年甲辰

余三十一歲除湖廣黃州府通判得送行詩一
帙汪鈍翁琬為之序六月抵任口憶余家居時
嘗命作蘇子瞻像貌已侍其側及筮仕竟得黃
州鈍翁說鈴曾載此事

四年乙巳

余三十二歲麻城武生某與嫂有姦忽彼此訐訟
余承讞執法定擬大府示意欲寬之余堅不為動
雖二人卒賄脫而直聲頗振從此承讞多案無敢
干以私者暇則同王子雲一耆張長人仁熙遊赤

壁或渡江窮寒溪西山大小河諸勝吟嘯終日
丑年丙午

余三十三歲口二月男基入邑庠口三月納妾
薛氏揚州人口十月基娶婦鹿邑狄氏兵部主
事宗哲女口十一月迎母趙夫人及眷屬來官
舍建將母樓張長人作記是歲黃多虎患余不
覺獵心之動率健卒馳馬入山與虎值箭射斃
擊一日殪五虎顧黃公景星邵子湘長蘅聞而
壯之各有詩紀其事

丑年丁未

余三十四歲口十一月恭遇

覃恩贈先文康光祿大夫嫡母劉一品夫人。擢授承德郎室葉氏封安人。生母趙以弟所官中書舍人封太孺人。口十二月入口覲眷屬返里。

廿年戊申

余三十五歲口覲畢旋黃州。口十二月孫如金生基出。口是月監兌漕糧楚漕自口國初停運至是年方行運。余一切籌畫期經久無弊。旗丁有倡聚船均兌之議者。余極力申請事得已。

附詳文畧漕糧北運事屬創始務期軍民兩便

庶可久行無弊。竊奉憲撥黃州衛二十四船。受
兌黃岡縣漕米。於本月十五日。樊口開兌。其餘
各船。照派定各次。行令赴彼候兌矣。五日以來。
兌過漕米九千餘石。刻期全完。軍民悅服。今二
十日午時。忽有一二刁軍。倡言七十二船。須併
聚一處。均句受兌。已去之船。仍欲追回。人心惶
惑。交受不前。據里弄控紛。縣官詳請。切實
任監兌。不得不明白言之。據稟軍欲聚舟均兌。
以水次零星。顧此失彼。為辭。不思監兌者職。領
運者千總。必由黃岡大及各縣。職與千總未到。

水火。更有何人開兌。無勞彼此分顧可知。又稱
襄荆二幫。同在省城受兌。欲引為例。按省城水
次。原在一處。黃州水次分八處。豈可以彼例此。
擬彼歸併。盡此二端。若聽其均兌。大獎有五。一
則人多生事也。一船旗丁水手。二十餘人。以千
總所領七十二船計之。一千四百餘人。合德安
所四十一船計之。有二千三百餘人矣。人多勢
衆。約束難行。其弊一。又需索無窮也。今以一船
兌一倉之米。旗丁人少。糧里尚可支持。若均兌
則二千三百餘人。蠶聚蜂屯。魚肉糧里。勢所必

然其獎二。又泊船不便也。水次各有大小。如武昌與國等處。僅可停泊數艘。今各次船隻齊集。停泊何所。其獎三。又往來可虞也。今以派定水次。各赴彼處候兌。甚屬穩便。若均兌。則往來江面風濤可虞。其獎四。又稽查不便也。循次開兌。可以嚴查盜賣折乾等弊。若各船齊兌。奸弊叢起。防範難周。其獎五。况黃岡已有成效。各屬勢如破竹。萬一游移。貽誤非小。伏乞嚴飭運官。速照原派處所。循次受兌。漕運幸甚。

八年巳酉

余三十六歲。正月督漕艘過淮。自樊口過流
而下。時武昌別駕丘曙戒象升亦督漕同行。竝
櫂千里。經小孤。天門。牛渚。諸名勝。頗有酬倡。

二月抵淮。與周侍郎亮工諸公看牡丹賦詩。還
遊金山。北固。念二十七年前舊遊。慨然久之。適
萊陽王叔兄琬自吳來。因同探焦山。宿海雲堂。
有詩。四月由錫山抵吳門。遊虎丘。支硎。虞山。
所至讌集無虛日。吳祭酒偉業計孝廉東尤為
傾倒。五月觀競渡罷。返金陵。寓邀笛步。丁叟
繼之。水閣與周侍郎袁籜菴于令諸公盤桓月

餘遂還楚刻將毋樓詩集修黃州洗墨池有記

附記畧仕宦而至黃者每覽稱子瞻雪堂元之

竹樓子瞻故有洗墨池在黃人罕知者余判黃
之二年梅川張子長人過余言曰吾黃兵燹以
來名勝悉委榛莽墨池一窪亦就湮獨趙文敏
手書三字猶存瓦礫中余聞大喜命輿人移置
東甯又三年為康熙己酉余董漕自淮歸簿書
多暇始從坡里坊求墨池舊址得之類垣敗礎
間於是芟榛莽剔朽壤大於塗焚以土石即以
欄檻俯視一窺泫然然池故無橋今則跨池

為橋翼橋為亭而取文敏字揭之楹既而曰池
復矣無堂曷祠乃建堂池東祠子瞻以張文潛
秦少游配兩先生固嘗遊黃又蘇門士也仍其
名曰雪堂曰成有餘材建樓池西祠元之仍其
名曰竹樓墨池因故址雪堂竹樓非其地而仍
之者從谷也合之為宋賢祠曰既成移予書之
後者置樓上移余東齋花木自中州來者植池
側而旁為數楹招僧住其內以供朝夕未幾張
子復來予與之酌視池上欣然曰甚矣先賢之
賴有使君也是烏可不記予唯曰乃鑲石實雪

接上篇

堂壁記

平月聞趙夫人訃

九年庚戌

余三十七歲。正月奔喪歸里。十一月奉趙

夫人匱。附葬於文康公。

十年辛亥

余三十八歲。十一月男至入邑庠。娶婦同邑

劉氏。慈谿知縣動女。男陸娶婦夏邑崔氏。戶部

主事掄奇女。男致生。蔡夫人出。

十一年壬子

余三十九歲。口正月服闋著筠廊偶筆成。口五月如都候補寓柳湖寺龔尚書鼎孳主吏部士祿民部士禎王叔兄琬時過寺觴咏冬需次返里。口十一月孫吉金牛陸出。

廿二年癸丑

余四十歲。口商邑三十六里每里十甲每甲田多寡不均多或至百頃少僅數頃里設里長一人肅任催科每當是役則鞭笞累賠身家糜碎及一年役滿聽舊役僉報代者往。口擇肉而食蔓延不已。因之豪有力者多方營脫而貧弱愈

困為邑大害而不知所救蓋數十年矣余家居
蒿目倡議軟指有田者按畝出銀公雇克役如
古雇役之意前害頓除邑人至今便之

廿三年甲寅

余四十一歲四月男陸入郡庠

廿四年乙卯

余四十二歲四月如都經鄒魯謁孔林孟廟
登泰岱抵都仍寓柳湖寺五月男至食餼男
著入邑庠十二月弟所官戶部員外郎恭遇
覃恩贈生妣趙為宜人

廿五年丙辰

廿六年丁巳

廿四十四歲。口正月補理藩院。判。口二月編
次商丘宋氏家乘八卷。口男著娶婦柘城
李氏。中書舍人芳廣女。口王阮亭祭酒選刻長
安十子詩畧。余及葉井叔封林蜚伯亮英曾升
六貞吉。田子綸愛王幼華。又旦曹頌嘉禾顏修
來光敏。注季角懋麟。謝方山重輝也。

廿七年戊午

余四十五歲。口正月孫岐金生。基出。口二月男

陸亡。二月陞刑部貴州司員外郎。時漢人官
郎署者事率不置可否。滿官定稿後押紙尾而
已。余蒞任日。吏具說堂稿乃旗棍違例開典天
津衛事已結。咨直撫知照。余謂既以違例定罪
自當押令回京。何咨內無此語。取閱原案。知吏
竊刪去。余以作弊按吏。免同官求寬。余竟杖
之。此後寅入酉出。每事親訊。魏環溪先生時官
大司寇。極為刮目。小黒子被勒菴割一案。張
天祿。李廣才。李四。凡三人。按律情願菴割者。漢
文本身並下手之人。處斬。滿文皆斬。余以滿文

在後必錯譯因依漢文分首從小黑子被勒死
罪造意竝下手之張天祿李廣才應斬李四為
從應流奉 由情罪深為可惡引律是否相合
同官大懼余曰此案情罪原可惡但割人之勢
與割人之首有間今割首者分首從割勢者不
分首從非法之乎同官無以難照原題覆奏將
滿文皆字改正荷 口俞允 口十一月堂官保舉
才能奉 口命視權賴閔是月男至來省 口十二
月偕錢介維栢齡男至出都時博學鴻詞諸公
集闕下以詩文相送者甚夥朱竹垞彝尊題曰

使度錄別行次宿州男基著來迎遂携往至歸里除夕抵金陵

廿八年己未

余四十六歲。口正月發權龍江北風大作舟行甚連落燈後抵南昌小泊。即往贛州連旬積雨江雲灘樹一望宵渺。口二月蒞贛關時逆藩初平賈船寥。余蠲除船稅約七千金商賈悅來額稅不缺詳碑記。口在度多暇日與錢介維泊兒子輩遊鬻孤八境通天巖以及綿津諸勝互相倡和自號綿津山人寧都魏徵君禧和公禮

彭躬菴士望先後過訪和公留度久余於使院池上縛小橋以待有使院牆東處士橋之句傳為佳話歲暮男至來省

開碑記畧

今上十有七年。肇自刑曹奉簡

命。推問於輶。故閩粵孔道。而商賈每楫所輻輳也。率於是日。吏善所以搜盡剔弊。凡斗尺權衡之不如法者。正之。額外之收入者。已之。至則例所載。朝廷額餉在焉。雖欲寬而不敢也。獨貨物正單外。又有船稅。非舊制。稽之故籍。往時借以供修造兩閘。販船及四季貨船船夫之用。

今費冊大弊已甚。額銀又奉文解者。每車之費。更何所需。是船稅確乎宜革。額宜革而又不革者。何也。矧其入而挽之者衆也。不佞竊念九江蕪湖諸關。有算商貨者。有算船料者。大抵取此則蠲彼。未有船貨並稅。如贛關之屬商者。易不云乎。損上益下曰益。損下益上曰損。與其病商也。毋寧病諸官。且夫立法善。則吾為官之弊止於一年。法不善。則商之害被於世。而無已。吾奉朝廷命。通商以補不足。原非病商而求有餘。吾敢員吾心以負朝廷。復與同官等。

帖式昂君進胥吏而庭告之。諭以育之。表告。船
算之非制。立為蠲除。猶懼後之君子復行之也。
故敢以不文之言。勅諸石。今夫除一弊法。難。創
一獎法。易。循例而行獎法。尤易之易也。先行者。
禦人而取貨。踵武者。則以為當然。而無過矣。後
之君子。其慎毋輕言復船算也。

十九年庚申

余四十七歲。二月。差竣返權。自十八灘。歷鄱
湖。望匡廬。沿大江。所至與錢介維暨兒子輩。搜
討幽勝。賦詩題名。四月。便道歸里。設祖筵。及

文康公瑩祭田各若干畝有記。五月復命
如都刻雙江倡和集。承審河間私鹽一案王
者佑等五人販私張文登等五人中途打奪同
官引新例至十人者皆斬余以正犯止五人不
及十人例應為首者斬餘發邊衛充軍打奪自
有應坐之條不宜輒引新例於堂官前加爭良
久卒如余議時別司援此例復活十二人高侍
郎念東先生出署晤施愚山閏章湯潛菴斌語
曰某佐秋部來祇此一事快心非宋君力不及
此。只月男著亡。十二月孫韋金生著遺腹

子

二十年辛酉

余四十八歲。口正月男筠生。薛氏出七日。氏遂

亡。口二月

仙孝

孝昭兩皇后歸山陵。率督夫舁請。口梓宮至壽臺

山。恭謁

孝陵。歸途經盤山。得詩如干首。名回中集。率以督

夫蒙。口賜綬紬二端。口二月。陞本部福建司郎

中。口通州坐糧廳經紀王天福等與大通橋車

戶何天寵等百十五人。以欠糧萬石。許訟辭連
各官奉 旨。戶部會同三法司審擬。案隸本司。
時諸公有所曲護。欲以光棍擬各役。立斬。官免
議。獨余與同司滿官偉君齊堅執。不可於署於
朝。會議月餘。持之愈力。後竟依司議。各役照拖
欠秋糧例。責懲賠糧官。奪俸。當案未定時。魏環
溪先生曰。此案君爭之固當。恐不利於君。奈何。
余粹應曰。司官。小棄之易耳。先生默然。
又一不肖子。賣身旗下。併鬻其母。告發。同官
欲斷歸旗。余曰。子賣母。人世大變。執不可。母子

俱斷出而懲其子 七月

且御瀛臺召滿漢諸臣泛舟 賜宴 頒賜彩幣

有差宴畢 賜菱藕筆有紀恩詩 十二月恭

遇

覃恩生母趙氏以弟所官工部郎中贈恭人 榮授朝
議大夫室葉氏封恭人

十一年壬戌

年四十九歲奉堂委纂修會典 沐浴偕錢介
維男至遊西山得倡和詩一卷 祭雅好法書
名畫囊從孫侍郎退谷周侍郎櫟園兩先生得

聞緒論自官卽署來更奉教梁真定棠村先生
博考詳辨摩挲金題玉躒頗得此中三昧據翰
墨緣如千卷

二十二年癸亥

余五十歲 二月陞直隸通水道僉事兼屯田
驛傳海防河道漕糧餉務稅課倉場職最冗繁
咫尺輦轡旗民雜處城狐社鼠因緣為奸

陵寢所在 翠華不時臨幸又兩京孔道冠蓋
相望供億為難憶先莊敏起家永平司李總督
倉場侍郎先文康以遵化道開府畿東凡華今

日所部皆兩公舊治善政在人。口聲敬承先德。
恒語人曰。此官如破船。泛大海。茫無畔岸。惟把
定舵。隨風所之耳。寄湯潛菴斌書曰。此間事繁。
人詐。大不易治。潛菴復札云。事繁而御之以簡。
人詐而待之以誠。余揭諸座右。上海幸古北
口。飭備糗糧車馬。恒為霸昌扳累。力辯方得少
蘇。當塞外。回鑾奉行在兵部。微於通州雇馬車
百輛。限二日抵行在。計程非四日。不能至。每車
日費一金。守候無期。費殊不貲。余議將塞外鞍
匹。屯舊所餘車。委官修整。即用沿途驛馬駕車。

事以立辦。兵部閱視有難色。余曰。悞則罪。犖公
毋恐。後果獲濟。兄月奉檄偕部使按海濱地。
自鹽城抵山海關。紆迴三千里。地無堪稅者。得
海上雜詩若干首。

五 十三年甲子

余五十一歲。兄理旗民爭訟查邊。只修倉廩。
先後與部使歷漁陽檀州。屢遊盤山。五峯冶山。
各有詩。兄月孫如金娶婦。夏邑李氏。安肅知
縣會生女。

五 十四年乙丑

余五十二歲。正月孫如金婦李氏亡。二月
以事過遵化練泉。在城東北隅。先文康嘗築
亭與客泛舟。後以地震泉涸。余至泉。忽湧出。都
人士驚喜。建堂泉上。余題曰來泉。賦詩刻碑。置
堂側。五月。上幸古北口。犒奉檄修治橋梁。
遊石盆峪。玉田縣旗棍賈二等窺鄰女岳氏。
病痢夜起。挾去羣姦之。復令湯二往給其父。仲
金亟贖女。以掩醜聲。仲金老而愚。予錢三萬九
千。始釋女歸。仍畱其袴鞋。有陳四決子。亦畱袴
帶銀圈。更索重購。仲金不得已。控縣。解道親。

訊証據鑒：二大言曰：事縱實，公外官，不能杖我。余厲聲曰：吾不能杖汝，能殺汝。解中丞于公成龍，公共題奉。曾親審獄成，奉。曾本地處斬，法紀一振。口薊州高民惠等，以千金開典，託趙良璧守管鑰。良璧實不名一錢，有旗棍趙應第者，藉口良璧舊逋，竟奪其典。州守瞻徇枉斷，余執法駁正之。口遵化庄頭劉白虎等十人，武斷一方，實未嘗為盜。州守惡而入其罪，余為平反。

二十五年丙寅

余五十三歲。三月條議十事。曰清旗訟以除
民害。聯旗人以保甲。給腰牌以察旗人。發料
價以蘓驛困。停設法以杜加派。革倉獎以紓民
困。稽筏手以防逃盜。永平本府所置飭駐防以
戢擾民。禁重利以恤民艱。興教化以厚風俗。中
丞于公嘉獎飭行。

七十六年丁卯

余五十四歲。三河令彭無山鵬治行為畿輔
第一。發奸摘伏。不畏彊禦。余以強項令薦之中
丞。余在潞河四載。雖簿領輻輳於署中。建漫

堂與盤山智公為方外遊名士在都下者時就
余倡和尤檢討侗贈詩有錢穀兵刑交旁午文
章馬槊任縱橫句口二月孫如金繼娶同邑侯
氏貢生方揆女口四月陞山東按察使帶罰俸
三十餘年蓋異數也是月即抵濟南任口嶧縣
捕役李玉生遇戴明携妻鄒氏田作誣以盜縛
之樹上逼氏古廟行姦余詳題正法濟南衛徐
士貞被盜衛弁勒改仇殺誣執楊開美等六人
擬辟內二人斃獄臨朐官衙被劫捕役誣周青
年等五人為盜余悉為昭雪乃條議誣良之禁

當嚴刁訟之風。當懲獄中積骸。宜瘞解役疎脫。宜慎循環比簿。宜革數事。奉院飭行。按察司獄及府縣獄出積骸千餘。他郡邑無算。循環簿大縣約費五百金。中下遞減。革後每歲約省三萬金。余初不知安丘張杞園貞。具為余言之如此。□舊例臬司與藩司分火耗銀。最可鄙笑。余力除之。山左獄訟繁多。前官率以酬應廢事。余案必親訊。不讌會。不遊觀。不吟咏。半載計甯結重案三百餘件。□十月奉

特旨陞江蘇布政使。頒行賦濟南雜詩有齊州六

月不題詩句 巳一月吏部題覆三河縣王士
拔被劫案奉

巳宋華着從寬免於新任罰俸一年 巳十二月
抵蘇州 巳孫華金生奎出

巳十七年戊辰

余五十五歲 巳正月查出司庫虧空銀三十六
萬六千五百四兩詳題追補 巳邳州桃源睢寧
徐州逃亡人丁四萬八百六十有五句容長洲
靖江金壇丹徒江都版荒埧江田地二十萬四
千九百六十四畝俱詳請題豁 巳採辦銅劬一

案每年額辦銅十七萬觔余以定價不敷詳請
停辦奉 旨每銅一觔增價三分五厘後湖
廣江西等省援例一概增價

查銅觔一項於康熙二十三年

戶工二部會覆錢法侍郎題請議於江寧蘇屬
蘆課銀動支一萬一千五十兩辦銅十七萬斤
竊思江南非產銅之區更非聚銅之處商販稀
少價值高昂兼各開歲二購辦搜刮殆盡且十
七萬斤為數甚多以極多之銅採之不產之地
何怪乎市價騰湧屢煩籌畫終難集事也按照

部價。每斤六分五厘。各處市面。則每斤一錢七八分不等。大部可以責之藩司。而藩司豈能強取之商賈。計銅十七萬斤。照市價約算。歲不敷銀幾二萬金。即將養廉薄俸。盡數全捐。何補於事。其不便者一。再銅解部。向雖詳明。每担動支蘆課。水脚給銀六分五厘。計程數千里。運遞長途。費用百端。纖微水脚。不足數用。其不便者又一。況此部價外。不敷銀兩。實係無米之炊。前司計窮力竭。勢不得不轉令產蘆各屬。照額動辦。而州縣官。俸微力薄。勢不得不派諸洲民。

輸納。是從前辦解銅勛。內部多難。責成諸司。究
竟賠累。實係洲民。此尤不便於民之大者也。本
使司既不敢仍踵積習。使洲民永辦以滋譴戾。
如今自行採買。除動支蘆課一萬一千五十兩
外。約少銀一萬九千五百兩。有奇。解銅之費。尚
不在內。如許多金。而責之數十年飲水茹荼之
窮民。賠辦無力。勢必貽誤。與其被泰於異日。何
如哀籲於斯時。所當亟請會覈入告。懇將此
項銅勛。分派產銅省分。價值稍賤。可以辦解無
悞。在江省所民。永免賠累之苦云。

四月孫如金入邑庠

口奉

特旨陞授都察院右副都御史巡撫江西等處地方兼理軍務

五月赴任

口六月每次天門聞

楚中叛兵夏逢龍之變余飛舸兼程前進十五日抵湖口會本標弁兵先期奉署院遣赴楚援剿者以索餉逗留九江余檄取湖口庫銀委員給散手檄飭令遄發一營帖然舟阻風石鐘山禱於湖神風忽轉一夜過鄱陽湖至昌邑接受關防

口命旗牌十九日抵署受事江右數月

苦旱涸任日大雨滂沱四郊霑足是時蘄黃半

已淪賊江省震鄰協將阮述等請兵請餉絡繹
不絕余悉心籌畫接濟。是月晦有奸徒李美
玉袁大相謀不軌賴

聖天子威德偵知姦謀乘夜計擒二兇旦即斬之
懸首藁街餘黨鳥獸散亂遂平余於是夕效王
文成平宸濠故事預撰書告諭於正法頃即懸
示各門有原無黨羽並不株連一人語廣濟老
友張仁熙以張肖甫定浙亂相況其誅叛防禦
機宜詳余二疏及同里劉榛吳江龍華記中余別有禦變
詩

附錄雙龍

看得板犯李美玉。袁大相。係原督

標裁兵。乘湖廣叛變。暗勾匪類。謀為不軌。經臣
標中軍遊擊詹英。偵知密報。隨差候補遊擊趙
永吉。密拿二犯到臣。同司道會審。據供勾連羽
黨三千多人。佈散酉字總帖。身穿白衣為號。謀
於本年七月初間。殺官劫庫。赴湖廣合夥。歷審
供吐情真。切江省界連楚地。人心風鶴。若不亟
正典刑。無以震懾奸黨。且恐遲則變生。為害匪
小。臣於訊後。謹請 王命。將李美玉。袁大相。立
刻正法。以安反側。至所稱黨羽。未經指實。聚允

深求合應密疏題

分兵疏畧江省接壤楚境在需兵最緊要

者無如南昌所屬之寧州銅鼓武寧靖安界驢

湖廣防守尤亟查寧州銅鼓營止額兵二百名

武寧營止額兵一百八十名靖安縣原係南昌

鎮標撥防兵丁九十五名前因楚省兵叛南昌

鎮臣陳平已經撥發貼防在案臣猶恐各處兵

力單弱復面商鎮臣將抽調擴建廣各營之兵

再行添撥以防逆賊敗遁協拿勦滅當撥令建

昌營千總洪玉帶兵一百名添防寧州今前撥

千總黃善。把總劉高。帶兵一百五十名。同銅鼓營把總王國柱。帶兵前往銅鼓之礮頭。崇御各隘分防。檄令撫州營把總洪章。帶兵五十名。添防銅鼓城池。檄行廣信營把總文玉。帶兵一百名。添防武寧縣。同前撥千總廖瑞廣。帶兵一百名。於楚界牛屎嶺駐劄。至袁州之萬載驛。悉過瀏陽山。僻小徑。直達湖北。亦係緊要。臣思各處實無兵可調。不得已。將前題調南贛各標營官兵之內。撥發三百名。前往袁屬協防。以資禦勦。所有江省界連楚省地方。前後撥兵防守情由。

昭曰然
記與周記俱
以行爲注在
御變詩下

臣謹奏跪題

附錄

先是楚有去籍之卒。昭山要餉。擄

軍柯公永昇易之。遺十餘騎往連。卒遂叛。公及

叅政葉公映樞。同日死。妖賊縱橫。連破二十餘

城。勢洶。不可知。會宋牧仲先生。受撫西江之

命。西江密邇寇氛。人情蠢動。先生飛檄入境。靜

以鎮其搖撼。誠以收其心脅。嚴以飭其戎行。明

以申其賞罰。決旬而秩然有備矣。六月晦。有李

美玉。袁大相者。裂紙書百字為符。勾結城內外

三千人。約詰旦舉而行事。先生聞變。設方略。

秉夜審擒以來。問則直承不諱。文武諸寮屬皆
惶。城中士女半遁。部下士甲而坐。愠中客有
危而去之者。方伯王公業與一博。不十日死。先
生高眠徹曉。從容起。三搥三吹升堂。一切如常
朔儀畢。再鞠二人。無異辭。命中軍遊擊詹英。奉
天子所賜節。兩力士。綠綾首。握刃。推二人出西
棘門外。立斬之。即張信示。倡亂者已誅。餘不復
問。其黨方伺二渠指揮如約。日高不見。俄聞棘
門啟。鳴而二渠之首已懸藁街矣。衆乃疑神。疑
鬼。不知發露之自。而豕驚魚散。四竟帖然以寧。

此下所寫同記
稿存此
頁內
按上宜格寫

設使是時。需不先發。怯不早斷。寇一舉而西連
於楚。聲勢互倚。警及百粵。道。廟堂之憂。不知
如何矣。而談笑定之。楚亦以平。伊誰功哉。余適
遊豫章。見主人禦變方畧。而奇其屢。書生。韓
能定大難。而暇豫有餘勇也。故為之。

口南豐縣土寇作亂。余飛檄捕首惡劉閏等。正其
罪。餘黨懾服。民獲安堵。口江右疊經兵燹。閭里
凋敝。兼吏治清濁。民不聊生。余開誠布告。如地
丁加耗。漕糧積弊。郡縣私派。詞訟婪賄。考試營
求。皆嚴行禁革。至食鹽更為大害。前人陋規之

通

山

五
二
字

外加之借貸官役承望風指種。廢剥奸商因
而網利。鹽價騰踊。百姓有終年淡食者。余加意
革除。重困頓蘓。終余任不改。丁孝廉弘誨效誠
齋體贈余詩云。士子知向學。百姓始喫鹽。事
皆寬太。惟有論詩嚴。人傳誦之。八月。修徐孺
子墓祠。九月。先是南昌吉安撫州饒州
四郡稅課司。藉部行設立木榜。按貨徵收。儼同
四關。余聞駭然。亟命毀其榜。照額但徵行戶商
賈大悅。口題報寧州宜春等十二州縣秋被旱
灾。免銀七萬九千六百餘兩。十月。觀風各郡

去三字

邑錄士若干刻試卷曰江右采風錄 請停贛
州賈稅請給採辦竹木價直

請停賈稅疏畧看得贛州府全書額編賈稅

入門稅橋稅三項未設部司以前俱係通判經
收分解橋稅銀兩在於過橋商賈內抽收其賈
稅銀一百八十四兩一錢九分脚耗銀五兩一
錢五分七厘三毫二絲原與入門銀稅三百八
十二兩五錢三分二毫總在進城客貨內每兩
抽銀二分以之分款起解是賈稅與入門稅起
解雖各有款目而徵收實屬一項也迨後奉

旨專差部司監督。勅書開載。止有橋稅門稅
二項。未將賣稅開入。遂致此項懸款無著。該府
不無貽墊之苦。乃於康熙十四年。革職已故知
府蔣文麟。朦混創議。將郡城內外一切貨物。凡
額關徵收入門稅一兩者。另徵賣稅二錢。詳定
抽收。從此一門兩稅。一貨兩徵之弊起。官得藉
以橫徵。胥役藉端勒索。禮工官商。流弊至今。臣
蒞任以來。首以地方利弊徧行咨詢。據賴南道
將此賣稅一項。實屬商民受困。詳請具題。並移
准監督額關稅務臣盛符升移覆。賣稅既係原

於門稅每兩抽銀二分內。分款起解。應從所請。以恤商民等因。臣查門稅買稅。俱屬朝廷錢糧。如歸併開徵。而有虧國課。臣何敢冒濫。惟是一經歸併。於國課分毫無損。而商民十餘年之積習。可以頓革。伏乞 睿鑒。將此買稅。歸併額開。初部載入勅書。一併徵解。每年聽部司報部考核。除去知府考成。永遠遵守。則商民獲免一貨兩徵之重困。咸戴 皇仁於無疆矣。

○請給竹木價值照畧江右地瘠民貧。自經兵燹之後。閭閻凋敝已極。臣叨膺重任。亟思興利除

獎。今據署布政司詳稱。江省每年奉文採買。紫
竹一百一十六根。貓竹四千五百根。楠檀木六
十根。內惟康熙二十三年。初次採買楠檀木。奉
部撥給價值。其餘按年採買竹木。俱分派各屬
捐解。如紫竹。則取給饒州府屬。貓竹。則通派閩
省州縣。楠檀木。則係南康九江二府。輪流捐解。
名雖官捐。其實累民。誠動正項採買。委員運解。
請題前來。臣細繹原奉部文。雖未開有撥給錢
糧字樣。而於初次採買楠檀木部文內。已有價
值行令地方官撥給。毋得濫派小民等語。開載

接上寫

甚明。且既曰採買。自應具文請明部示。准給價值。何得輒以捐解為名。致貽民間歷年重困。此皆從前各官奉行不善之咎。伏乞 勅部嗣後採買竹木。准令動支正項錢糧。解運報銷。則全省之民。得免重累矣。

口恭遇

覃恩贈王父福山公通議大夫嫡王母張生王母
丁生母趙俱贈淑人華授通議大夫室葉氏封
淑人 口更定從前所著詩稿成名曰錦津山人
詩集 口早二月疏請給沿途解犯口糧